

四庫全書

史部

欽定四庫全書考證

史部

卷二

十五

纂修官候補司業臣王太岳

臣曹錫寶

膳錄拔貢生臣張山荆

欽定四庫全書考證

卷二十五 史部

史記索隱

前漢書

王馬異同

三國志辨誤

晉書

史記索隱

唐司馬貞撰

卷十二

晉世家長女妻重耳注左傳刊本左訛氏今改

卷二十五

東越列傳閩中郡注今建安侯官是刊本今訛本據史
記注改

前漢書

漢班固撰

目錄

古今人表刊本人下衍物字據本書表刪

卷一上

高帝紀沛公欲王關中令子嬰相珍寶盡有之刊本盡
訛書據史記通鑑及監本毛本改

卷一下

殷畔楚以舒屠六注師古曰六者縣名後屬廬江郡刊
本郡訛都據本書地理志改

卷二

惠帝紀及宦皇帝而知名者注如淳曰知名為宦人教
帝書學有可表異者也刊本有訛亦據監本毛本改

卷三

高后紀逐產殺之郎中府吏舍廁中注如淳曰百官表
郎中令掌宮殿門戶故其府在宮中刊本其訛某據
監本毛本改

卷四

文帝紀母曰薄姬注臣瓚曰漢祿秩令及茂陵書姬並

內官也刊本祿秩二字互倒今改

夏四月除盜鑄錢令注應邵曰聽民放鑄也刊本民放
二字互倒據監本毛本改

十一月淮南王長謀反廢遷蜀嚴道死雍刊本脫雍字
據本注及諸侯王增

民得買爵刊本買訛賣據監本毛本改

卷五

景帝紀膠西王卬刊本卬訛印據本傳改

卷六

武帝紀丞相綰奏所舉賢良或治申商韓非蘇秦張儀之言注衛公孫鞅封於商號商君刊本商君訛秦君今改

六年冬初算商車刊本算訛等據本注及毛本改

元狩元年冬十月行幸雍祠五畤獲白麟注麟麋身牛尾刊本麋訛麋據爾雅改

元鼎四年冬詔曰祭地冀州注汾陰本冀州地也周時乃分為并州刊本并訛荆據監本毛本改

元封五年初置刺史部十三州注常以秋分行部刊本

常訛治據監本毛本改

卷七

昭帝紀元鳳元年武都氏人反遣金吾馬適建龍頌侯
韓增等擊之注弓高侯韓隤當子說封龍頌侯刊本
隤訛頌據功臣侯表改

卷八

宣帝紀地節四年詔曰迺者東織室令史張赦注令史
其主者吏刊本吏訛史據監本毛本改

卷九

元帝紀初元元年詔曰惟德淺薄不足以充舊貫之居
刊本脫舊貫二字據毛本增

卷十

成帝紀三年春虜上小女陳持刀闌入尚方掖門注無
符籍妄入宮曰闌刊本宮訛官據別本改

卷十三

異姓諸侯王表高后二年長沙共王若嗣案若吳芮傳
作右

卷十四

諸侯王表中山靖王六世懷王修嗣案修中山靖王傳
作循

卷十六

高惠高后文功臣表第三格始封刊本始訛姓據監本
改

陽陵景侯傳寬第四格師古曰漢列侯位次簿有謚號
姓名與史所記不同者刊本列侯訛列侯據監本改
鄼文終侯蕭何六世釐侯喜以何玄孫之子南燕長紹
封刊本燕訛蠻據蕭何傳及地理志改

開封愍侯陶舍第二格以中尉擊燕代侯刊本中訛十
據監本改

高陵圉侯王虞人第二格從起廢丘刊本丘訛兵據地
理志改

卷十七

景武昭宣元成功臣表建陵哀侯衛綰第三格二十一
年薨刊本訛一十二年據監本改

邳離侯路博德第二格從驃騎將軍擊左王刊本王訛
右據監本改

梁期侯任破胡第四格太始四年刊本始訛史據監本改

荻苴侯韓陶案荻史記朝鮮傳作荻本書朝鮮傳作秋此訛荻為荻而師古音荻為狄非是

南奔龍頤宜春陰安發干五人隨父刊本干訛干據本書地理志改

卷十八

外戚恩澤侯表鄔侯駙鈞師古曰鄔一戶反刊本脫一字據監本增

冠軍景桓侯霍去病刊本桓訛栢據霍去病傳改

宜鄉侯馮參刊本宜訛宣據功臣表改

卷十九上

百官公卿表衛尉秦官注衛士于周垣下為區廬區廬者若今之仗宿屋矣刊本下訛不仗訛伏據監本毛本改

太僕條龍馬閑駒橐泉駒駝承華五監長丞刊本承訛丞據毛本及下卷注改

諸侯王金璽盤綬注黃金璽橐駝鈕刊本駝訛佗據監

本毛本改

卷十九下

高帝五年第十三格軍正陽成延為少府刊本成訛咸
據玉海官制類改

孝文十六年第四格淮陽守申屠嘉為御史大夫二年
遷刊本訛在上太尉格內據毛本改正

元鼎二年第六格廣安侯任越人為太常刊本安訛陵
據下注改

元鼎三年第六格鄆侯周仲居為太常師古曰鄆音多

案鄆音多寒反有漢書周緹傳可據而史記緹傳及
侯表注漢書侯表及地志注水經注並脫寒反二字
建昭二年第十一格左馮翊馮野王為大鴻臚刊本王
訛正據監本毛本改

卷二十

古今人表中上格伯嬰刊本嬰訛嬰據經典釋文改
中上格華州師古曰即華周刊本周訛州據監本毛本
改

卷二十二

禮樂志郊祀歌朱明章登成甫田百鬼迪嘗注言此案
盛皆因大田而登成刊本案訛迪據監本毛本改

卷二十三

刑法志民知有辟則不忌於上刊本知訛之據左傳改

卷二十四上

食貨志農民戶人已受田其家衆男為餘夫案周禮載
師注引此作一人已受田刊本似脫一字今仍其舊

卷二十四下

令飢民得流就食江淮間欲留留處注有欲住者留而

處之刊本住訛往據監本毛本改

然兵所過縣縣以為訾給母乏而已不敢言輕賦法矣
案經史記作擅徐廣注云一作經謂不顧經常法據
此輕字疑經字之訛今仍其舊

卷二十六

天文志前列直斗口三星隨比崑銳若見若不見曰陰
德刊本比訛北據毛本改

卷二十七上

五行志陳夏徵舒殺君注靈公飲酒于夏氏徵舒射而

殺之刊本射訛討據左傳改

卷二十七中之上

能者養以之福不能者敗以取禍刊本以之二字互倒
據本注及後考證改

帝徵行出遊過河陽主作樂案河陽外戚傳作陽阿此
誤

卷二十七下之上

楚僭稱王後鄭拒王師射桓王刊本拒訛拒據後考證
改

卷二十八上

地理志上黨郡沾縣注大壘谷清漳水所出刊本壘訛
詛據說文改

蜀郡青衣縣注大渡水東南至南安入泚師古曰泚音
哉案說文繫傳引此作泚水師古不辨泚字之訛而
音作哉非是

捷為郡郁駟刊本郁訛郁據集韻改

卷三十

藝文志揚雄所序三十八篇注太玄十九刊本太玄訛

太廟據各本改

卷三十三

田儋傳大破齊楚軍案孫鑛曰史記作破齊魏軍此楚字似誤

卷四十一

樊噲傳從擊秦車騎壞東案何焯曰此秦字當為雍史
駁文

卷四十四

淮南厲王傳太王欲屬國為布衣守冢真定案何焯曰

屬國當謂傳國于子

卷四十六

萬石君傳慶方為丞相時諸子孫為小吏至二千石者
十三人案何焯曰至上史記有更字若一時有十三
人為二千石慶安得全

卷四十八

賈誼傳惠王親兄子也今之王者兄子之子也案何焯
曰惠王當作哀王文帝元年齊哀王薨子文王則嗣
故曰今之王者兄子之子

卷四十九

爰盜傳郎署長布席盜引郤慎夫人坐案何焯曰郎署
長亦從幸上林職司布席耳未必天子幸署也如淳
注恐非

卷五十一

鄒陽傳然軻湛七族要離燔妻子豈足以為大王道哉
案何焯曰監本亦無荆字以注尋之是也不必以史
記添補

卷五十二

灌夫傳迺劾嬰矯先帝詔害罪當棄市案何焯曰史記無害字此衍文鄭注迂鑿

卷五十四

李廣傳因問廣食其失道狀曰青欲上書報天子失軍曲折案何焯曰度失道非喪師也軍曲折上衍失字史記無

卷五十五

霍去病傳與主合葬起冢象廬山云案何焯曰廬山當作廬山匈奴傳楊雄上書曰運府庫之材填廬山之

聲而不悔注廬山匈奴中山也以上文象祁連山例
之自明 又趙食其祿祠人刊本祠訛相據地理志
改

卷五十七上

司馬相如傳乃令文君當壚案何焯曰當字作對字釋
之為長顏說非是 又浮勃澥游孟諸案何焯曰縱
言之耳非必屬齊也文注誤 又莛藿藁荷注藁荷
萑苴也刊本苴訛蔓據王逸楚辭注改 又消擔乎
襄羊降集乎北紘刊本擔訛擔今改

卷六十

杜周傳逐捕桑弘羊衛皇后昆弟子刻深案何焯曰桑
弘羊謀反在昭帝元鳳元年此云逐捕桑弘羊疑有
誤史漢並同注家亦無及之者恐因延年首發上官
桀父子大姦并誤以周為逐捕弘羊也

卷六十一

李廣利傳桀令四騎士縛守詣大將軍案何焯曰將字
衍文如注強為之說耳下同

卷六十二

司馬遷傳於是論次其文十年而遭李陵之禍案何焯
曰十年史記作七年徐廣注曰天漢三年作七為是

卷六十三

廣陵厲王傳使所幸八子郭昭君家人子趙左君等鼓
瑟歌舞案何焯曰太子止有妃良娣孺子三等皇孫
止有家人子今藩國乃有八子之號未詳

卷六十四上

嚴助傳臣聞越甲卒不下數千萬刊本千訛十據監本
及陳本葛本改

卷六十四下

王褒傳故虎嘯而冽風龍興而致雨刊本冽風二字互
倒據監本及陳本葛本改

卷六十五

東方朔傳諷誦詩書百家之言不可勝數著於竹帛案
何焯曰著讀陟畧反昌黎詩吾老著讀本此

卷六十六

楊敞傳真人所謂覬不容穴銜竇數者也案何焯曰真
人猶云誠若人言也李奇注非

陳萬年傳調發屬縣所出食物以自奉養注調徒釣反刊本釣訛鈎據監本陳本改

卷六十八

霍光傳今陛下好與諸儒生語人人自使書封事案何焯曰封對之誤也後因尚書屏不奏乃上封事耳

又見其竈直突傍有積薪案何焯曰突當為窰式林反與突字突字異玉篇所分甚明

卷七十

陳湯傳縣旌萬里之外揚威昆山之西案何焯曰昆山

當指崑崙而言

卷七十一

雋不疑傳字曼倩注雋音徂究反刊本徂訛字據陳本
改 又衣黃襜褕著黃冒注冒所以冒覆其首者即
今之下裙冒也刊本裙訛裾據監本陳本改

薛廣德傳縣其安車傳子孫案何焯曰公羊家說縣輿
與此異義見仍叔之子來聘疏中

卷七十二

王吉傳吉兼通五經能為騶氏春秋案何焯曰騶氏春

秋至班史時已成絕學有錄無書故特著之

兩龔傳漢兄子曼容亦養志自修為官不肯過六百石
案何焯曰曼容名丹見儒林傳

卷七十三

韋玄成傳羣公百僚我嘉我慶刊本嘉訛加據監本改
又其與將軍列侯中二千石二千石諸大夫博士
議郎議判本脫二千石三字據各本增 又祭不欲
數數則瀆瀆則不敬注此禮記祭法之言案祭不欲
數三句見祭義篇此作祭法似誤

卷七十四

魏相傳今光死子復為大將軍案霍光傳大將軍當作
右將軍 又冠蓋交道刊本道訛通據各本改

又孝文皇帝時以二月施恩惠於天下賜孝弟力田
及罷軍卒祠死事者注罷軍卒新從軍而休罷者也
案新監本及陳本所作

卷七十五

翼奉傳觀情以律注情謂六情刊本脫六情二字據監
本毛本增

卷七十六

尹翁歸傳後去吏居家刊本脫吏字據各本增 又有
論罪輸掌畜官案監本及毛本陳本有字上並有豪
彊二字

王尊傳更數二千石二十年莫能禽討刊本二十年訛
二年據各本增

卷七十七

劉輔傳河間宗室也刊本室下衍人字據監本及毛本
陳本刪

卷七十八

蕭望之傳願竭區區底厲鋒鏑注鋒刃端也案韻會砥
下引此注此上有底柔石卓石六字

卷七十九

馮奉世傳永光二年秋隴西羌多姐旁種反案玉海一
百五十七卷引此作隴西羌多姐旁五種反又二
千石病賜告得歸有故事得去郡刊本得去上衍不
字據各本刪

卷八十

宣元六王傳臯至不赦刊本臯訛辜據毛本改

卷八十一

匡衡傳衡射策甲科注丙科補文學掌故刊本丙沿唐
諱作景今改 又卑不隲尊親不先故案親監本毛
本作新

孔光傳匡衡舉光方正為諫大夫刊本諫下衍議字據
各本及百官表刪

卷八十二

史丹傳傳昭儀及定陶王常在左右而皇太子希得進

見是時太子長舅陽平侯王鳳為衛尉侍中與皇太子皆憂不知所出案皇太子監本陳本並作皇后太子

卷八十三

薛宣朱博傳贊馳聘進取不師道德刊本師訛思據各本改

卷八十四

翟方進傳常鄉侯王暉為車騎將軍案監本陳陳本作暉又親屬二十四人皆磔暴于長安都市刊本磔

訛礫據各本改

卷八十五

谷永傳絕卻不享之義慎節游田之虞案何焯曰義當作儀

卷八十六

王嘉傳先帝不獨蒙其譏刊本譏訛議據監本改

卷八十七上

揚雄傳履櫬槍以為綦注音初初咸反刊本咸訛減據毛本及韻書改又雷鬱律而巖突兮刊本突訛突據

李善文選注改 又徽車輕武鴻綰獵注徽車有
徽幟之車也刊本有訛又據監本改

卷八十七下

蹂踐芻蕘誇詡衆庶刊本蹂訛蹂 又前番禺後陶塗
注駒駮馬出北海上刊本駒駮二字互倒並據各本
改 又故有首銜錯測摘瑩數文掬圖告十一篇注
掬音睨刊本睨訛兒據監本改

卷八十八

儒林傳於是詔太常使掌故鼂錯往受之刊本鼂作朝

據監本及後考證改 又瑕丘江公受穀梁春秋及詩於魯申公刊本受訛授據各本改

卷九十

酷吏傳乃使光祿大夫范昆諸部都尉及故九卿張德等案史記部作輔 又案百官表有左右京輔尉屬中尉當以史記為是

卷九十一

貨殖傳人爭取賤買任氏獨取貴善富者數世案善字當從史記屬上句讀司馬貞曰謂買物必取貴而善

者不爭賤價也正與師古上注意同後說似非

游俠傳侯遵霑醉哭入見遵母注霑醉言其大醉也刊
本醉訛溼據本文改

卷九十四上

匈奴傳漢軍殺左大將刊本脫左字據各本增 又其
冬單于自將萬騎擊烏孫案監本及毛本萬騎上有
數字

卷九十四下

或因山巖石木柴僵落谿谷水門稍稍平之注僵落謂

山上樹本摧折或立死枯僵墮落者刊本上訛下據
各本改 又約令傳國與弟刊本令訛立據陳本及
毛本改

卷九十五

西南夷傳南粵食蒙蜀枸醬注今宕渠有之刊本宕訛
石據毛本改

南粵王傳求親昆弟請罷長沙兩將軍注佗之昆弟在
故鄉者求訪之刊本訪訛親據監本及毛本改

閩粵王傳王閩中故地都冶案朱育傳漢滅東越以為

冶冶之為縣在國滅之後又其民盡徙故領於會稽之東部都尉史因後日之名書之耳

朝鮮王傳最以父死頗有功為涅陽侯刊本涅訛沮據監本及功臣表改

卷九十六上

西域傳都護之起自吉置矣案玉海起作置置作始與此異

卷九十七上

外戚傳何靈魂之紛紛今刊本魂訛魄據監本及毛本

改 又宣帝即位為太皇太后案劉敞曰元帝尊上官為太皇太后宣字誤 又緩急相護但恐少夫無意耳刊本夫訛君據陳本及毛本改

卷九十七下

太后自養視數禱祠解案何焯讀書記云解襁而解之也師古音懈非

卷九十八

元后傳平阿侯譚位特進領城門兵刊本兵訛外 又太后旁弄兒病在外舍注官婢侍史生兒取以作弄

兒也刊本官訛言並據監本及毛本改

卷九十九上

王莽傳莽陰求其罪過因大司馬曲陽侯根白之刊本
陰訛因據陳本毛本改 又僮奴衣布馬不秣穀刊
本衣布二字互倒據監本及毛本改 又詩之靈臺
書之作雖注庶民攻之刊本民沿唐諱作人今改
又漢家地廣二帝三王凡十三州州名及界多不應
經刊本十三州訛十二州據毛本及地理志改

卷九十九中

置六郊州長各一人人主五縣案何焯讀書記云州長
準周官與前州牧準虞書者不同劉奉世以為衍州
字者誤也下文亦稱六州 又乃遣并州牧宋弘游
擊都尉任明等將兵擊匈奴案明陳本毛本俱作萌
卷九十九下

莽憂懣不能食饘飲酒啗鰕魚注鰕音電刊本電訛電
據廣韻及韻會改

卷一百上

叙傳東从虐而殲仁兮王合位庠三五注欲合五位三

所即國語歲月日星辰之所在也刊本合訛從據監
本改 又素文信而底麟兮漢賈祚於異代注係殷
後為二代之客刊本係訛孫據監本改

班馬異同 宋倪思編

卷二

高祖本紀漢元年留蕭何收巴蜀租給軍食刊本軍下
衍糧字據漢書刪

卷三

蕭相國世家乃下相國何廷尉械繫之數日刊本繫訛
擊據史記改

卷六

陳丞相世家彼項王骨鯁之臣亞父鍾離昧龍且周殷

之屬不過數人耳刊本骨訛鞭據漢書改

卷十六

季布樂布列傳季將軍不說足下刊本軍訛君據史記

改

卷三十三

貨殖列傳稽足功用如此之備也刊本此訛非據漢書

改

三國志辨誤

不著撰人名氏

魏武紀其子邈穆之字亦俱載焉原本穆訛慎據魏志
注改

張既傳儒坐救遲召還原本還訛遠據魏志注改
牽招傳原本招訛胎據魏志改

晉書 唐太宗御撰

卷一

宣帝紀太和元年達與魏興太守申儀有隙刊本沿明
監本誤脫魏興二字據毛本及三國魏明帝紀注所
引魏畧增

景初二年帝固讓子弟官不受刊本脫帝字據明監本
毛本增

卷二

文帝紀增邑三百戶案通志邑上有食字此及明監本

毛本脫

景元四年金城太守楊欣趨甘松刊本欣訛頗據明監
本毛本改 又仍斷大政刊本仍作乃據毛本改

卷三

武帝紀太康元年克州四刊本克訛得據明監本鍾本
毛本及通鑑通志改

六年十二月庚子刊本子訛寅據明監本毛本及通鑑
改

卷四

惠帝紀又詔子弟及羣官刊本羣官作郡官係誤據毛本改 又中書令蔣俊刊本蔣訛符據毛本及通鑑通志改

永康元年改封吳王晏為賓徒縣王刊本脫縣字據明監本及毛本通志增

永寧元年同將何勗等案毛鍾本何勗等作何勗盧播二年平南將軍羊伊刊本沿明監本誤伊作尹據毛本及通鑑通志改 又帝旋軍於宣武場刊本沿明監本誤脫場字考水經注洛陽北宣武觀北矚宣武場

本書王戎傳亦有于宣武場觀戲之文今據毛本增
永興元年以河間王顥都督中外諸軍事刊本沿明監
本誤脫顥字據毛本及通志增

卷五

史臣論爾乃取鄧艾於農瑱刊本瑱訛隙據毛本陳明
卿本改

卷六

元帝紀太興元年詔昊天不融案詩小雅融作傭此蓋
別有據本

永昌元年郗鑑為安北將軍刊本郗詵郗據郗鑒傳改
明帝紀太寧元年以軍國饑乏刊本國詵事據明監本
改

卷七

康帝紀建元元年以輔國將軍瑯琊內史桓溫為前鋒
小督案鍾惺本小督作都督此仍明監本毛本之舊

卷八

穆帝紀永和五年征西大將軍桓溫遣督護滕駿討范
文判本沿明監本誤護作軍據毛本及通鑑通志改

簡文帝紀咸安二年故當無復近日事耶案毛本近作
前此從明監本

卷十

安帝紀隆安五年秋七月段璣殺慕容盛案明監本毛
本及通志璣俱作興此從本書載記及通鑑

義熙六年乃入衛京師案通志乃作並此仍明監本毛
本之舊

卷十一

天文志序夫皆掌著天文刊本文訛人據明監本毛本

改

用勾股重差推晷影極游以為遠近之數案毛本注云
重一作里

州郡躔次濟陰入氏一度案鍾本毛本一作二此從明
監本及文獻通考又桂陽入軫六度刊本六訛十
據明監本毛本及文獻通考改

卷十二

七曜熒惑芒大則人衆怒案通考此句下有君子皇皇
小人浪浪不有亂臣則有大喪人欺吏欺王二十

二字此及明監本毛本俱無疑傳寫脫

填星不乃大水刊本大水訛火水據文獻通考改

五星總論七星為貪官刊本宮訛官據明監本毛本改
十輝赤氣為人獸之形刊本獸訛狩監本毛本同今據
隋志改

卷十三

月五星犯列舍太元十二年六月癸卯刊本卯訛酉案
癸卯距癸酉前後俱三十一日考武紀是年六月有
癸卯則無癸酉甚明今據明監本毛本改

二十一年又連歲水旱刊本沿明監本誤又作及據毛本改

安帝隆安五年進軍蒲洲刊本洲訛州據明監本毛本改

妖星客星咸寧二年六月甲戌星孛于氏刊本寧訛熙案晉武改元者四泰始咸寧太康太熙無咸熙據本紀改

卷十四

地理志總序成湯敗桀于焦案尚書序及伊訓稱湯與

桀戰于鳴條史記稱桀敗于有娥之虛無有言焦者
惟淮南子云革車三百乘困之鳴條禽之焦門帝王
世紀云禽之焦門放之歷山疑此用焦門而誤脫門
字

市有候候有館館有積案周禮作市有候館候館有積
鄭注云候館樓可以觀望者也此引誤 又三十一
國盡亡其處注窮桑刊本桑下行鞏字據明監本毛
本刪

穀泗以往奄龜蒙刊本往訛注據漢書諸侯王表改

東海王彊刊本彊訛彊據後漢書改

司州河東郡垣刊本垣訛桓據前後漢志及元和郡縣志改

雍州京兆郡霸城刊本城訛成據明監本及毛本改

涼州武威郡摺次刊本摺訛揖 又蒼松刊本蒼訛昌並據前後漢志改

西郡蘭池注一云蘭絕池刊本池訛也據明監本及毛本改

卷十五

荊州邵陵郡夫夷刊本夫訛天據前後漢志改

揚州孫皓分會稽立東陽郡刊本皓訛恪據明監本鍾
本毛本改

卷十六

律歷志午七百二十九分之五百一十三刊本三訛二
據明監本及鍾本毛本改 又上下相生終于南事
刊本事訛呂 又能知命十二律不失一刊本一下
衍其二中三字 又問準意刊本意訛竟並據續漢
志刪改

九月律長四寸六千五百六十一分寸刊本上六字下
衍分字據文獻通考引此文刪

總論夷則上生夾鐘長七寸二千一百八十七分寸之
千七十刊本脫二字據上文律中央鐘節增 又內
庫外高刊本庫字訛作房中二字據續漢志改 又
其餘與此尺同刊本脫餘字據文獻通考增 又銘
八十二字案上銘止八十字又通考作七曰建武錢
八曰建武銅尺增多五字又與古法七品之數不符
蓋此及通考俱有誤

卷十七

推合朔度大分二百二十五刊本脫大字據宋書志增
月行三道術十二日十二度十一分案十二日與後十
八日配均為十一分刊本十一兩字訛作七字據明
監本鍾本及毛本改

推五星合月數十三刊本三訛二據鍾本毛本及宋志
改

五星歷步土百九十萬五千八百六十四分半而晨見
東方刊本萬上衍九字據鍾本毛本刪

卷十八

審農時而重人事歷代然也刊本然下衍之字據宋書
刪

秋分八月中間限千五十一案明監本毛本無一字

金晨與日合星五十二度十九萬四千九百九十分考
明監本毛本俱無九百兩字此與宋志同

卷十九

禮志總序喪服本文省畧刊本服訛文據毛本改

魏明帝太和元年江左後未遑修建刊本後上衍議字

據明監本及鍾本毛本刪

元帝太興元年高子曰靈星之尸刊本尸訛戶據詩小序改

太康三年風師刊本師訛伯又社稷五祀五嶽刊本社訛土又兆五帝刊本脫五帝二字並據周禮改增

魏元帝咸熙二年七廟議然臣愚謂廟室當以容主為限刊本容訛客今改

卷二十

咸寧十八年車胤奏請為告書如左班刊本請訛謂據
明監本毛本改

賀循答熊遠議君子卿大夫之喪刊本喪訛葬據戴記
改

摯虞為古者諸侯君臨其國刊本摯虞二字互倒故今
改

成帝時中官亦年年拜陵案鍾本毛本官作宮注云一
作官

太康元年王昌母喪議誠以人理應絕故也刊本應訛

廣據諸本改 又而以常理處之也刊本及南北監本俱脫常字據毛本增 又荀顗議曰刊本顗訛頭今改

卷二十一

咸寧注上賀謁報刊本賀下衍起字據文獻通考刪

衛瓘奏今陛下勲高百王德無與二刊本百王二字作

皇字又脫與字據毛本改增 又作者七十二君矣

刊本二訛四據管子及漢書司馬相如傳改

漢儀立秋之日牲以鹿麋刊本訛作以為薦麋據後漢

禮儀志改

卷二十二

樂志祠廟饗神歌薦羞斯備刊本薦斯二字互倒據毛
本改

卷二十三

懊懷歌者隆安初俗間訛謠之曲刊本脫初字據明監
本毛本增

杯杓舞矜手以案杯杓案宋書志案作接與此異
舍利跳躍嗽水作霧翳曰畢刊本霧訛露據明監本及

鍾本毛本改

卷二十四

職官志左右丞光武始減其二刊本二訛三據明監本
毛本改

卷二十五

輿服志序壇垂陰羽刊本羽訛雨據逸周書王會解改
次大司農引從刊本脫司字 又右少府引從刊本少
下衍司字並據毛本增刪

郡縣公侯黑縑阜繒蓋刊本縑訛細據明監本及鍾本

毛本改

長冠一名齊冠制如版刊本制訛問據後漢輿服志改
巧士冠要後相通直監刊本豎訛堅據後漢輿服志改
皮弁以采玉珠為璫刊本珠訛朱今改

卷二十六

食貨志乃若一夫之士刊本土訛士 又民之所求者
學也刊本民訛明今並改 又金鏤傾宮案竹書紀
年云桀築傾宮此屬之殷紂誤 又王赧之季刊本
之訛云今改 又史臣曰班固作食貨志刊本食訛

殖據漢書改 又於是衛覲議以為鹽者國之大寶
刊本脫以字今增

卷二十七

五行志序宣元之間刊本元訛化據漢書改

木不曲直說田狩有三驅之制刊本脫田狩有三字據
漢書五行志增

孫皓建衡二年三月大火刊本二訛元據三國志孫皓
傳改

太元十三年蝻斯則百堂災永蝻斯則百之道故灾其

殿馬刊本乖訛乘據明監本改

傳曰貌之不恭時則有青青青祥刊本脫上青字據漢書五行志增

不為威儀貌氣毀故有雞禍刊本不上衍而字威下脫儀字 又水歲難多死刊本難多二字互倒並據漢書五行志增刪

咸康元年荊州長沙之攸醴陵刊本長沙二字訛在之字下據本書地理志改

元康太安之間江淮之域有敗屨自聚於道多者至四

五十兩刊本兩訛量今改 又敗者疲弊之象刊本
敗訛故據毛本改

卷二十八

時則毛蟲之孽刊本時則二字互倒據漢書五行志改
魏人使其母手書呼雍刊本魏訛蜀據毛本改

即眞顛倒界之案眞字顛字下顛字衍

皆如童謠之言焉刊本焉訛為據明監本及鍾本毛本
改

秀孝策試之四科之實案明監本及鍾本俱無之字

視之不明傳傷病民人刊本民作疾據漢書五行志改

卷二十九

咸寧三年馬隆又帥精勇討梁州案明監本及鍾本梁俱作涼

傳曰思心之不容據尚書洪範思曰睿伏氏五行傳睿作容班固漢書因之此書蓋仍伏氏班氏之舊

卷三十

刑法志王肅疏然衆庶不知謂為倉卒刊本謂訛將據三國志王肅傳改

又刪定律令以為漢儀刊本議訛議 又又集駁議三十篇刊本駁議二字互倒 又博採古今壞偉之事刊本事訛士並據後漢書應邵傳改 又正纂因棄市之罪斷凶強無義之蹤也刊本無訛為今改

卷三十一

武元陽皇后傳景命夙虧刊本夙訛風據明監本及毛本改

卷三十二

王祥傳有丹柰結實案丹柰世說作李

王覽傳門施五馬案五毛本注云一作行

何曾傳曾見崇重如此案曾通志作其

石崇傳頃之拜太僕刊本脫之字據毛本增 又士當

身名俱泰刊本身訛聲據通志改

卷三十四

羊祜傳非所以隆先帝之勲刊本非訛亦今改

卷三十五

裴頠傳至王衍之徒刊本徒訛從據明監本改

裴楷傳傳譔汪翔靡所不見案汪翔世說作江廡

史臣論楷則機神幼發目以清通刊本目訛自據毛本

改

卷三十六

衛恒傳轉注者以老壽考也按此句無解檢說文云考
老也老考也二字互訓疑此壽字是訓字之訛 又
家殊國異刊本國訛用 又杳杪和趣刊本杳訛杏
並據明監本及毛本改

張華傳統免冠謝曰刊本冠訛官今改 又有相者言
吾年出六十位登三事刊本脫年字據毛本增

卷三十七

司馬休之傳始知以譙王前事良增嘆息刊本知訛委
今改

卷三十八

文六王傳使去奢即儉刊本即訛節據通志改 又復
蕤封刊本脫封字據毛本及通志增

卷三十九

王沈傳養於從叔司空昶刊本司空訛司徒據三國志
王昶傳改

荀勗傳祖裴案通志作蜚

史臣論過踰晉五刊本五訛伍據左傳外嬖梁五與東
闕嬖五文改

卷四十

晉充傳欲以充從孫散騎侍郎衆為嗣刊本從訛後據
明監本改

卷四十一

魏舒傳位儀同三司刊本脫儀字據通志增 又三公
能辭榮善終者刊本善訛錄字據通志改

劉實傳各以讓賢舉能為先務則羣才蔚出刊本蔚訛
猥據明監本及毛本改

卷四十二

王睿傳惟張華固勸刊本勸訛勤 又披布丹心輸寫
肝膽刊本膽訛腦據通志改 又被壬戌詔書案壬
戌通志作戊戌 又盜言孔甘疑惑觀聽刊本觀訛
親據明監本毛本及通志改 又每進見陳其攻伐
之勞刊本攻訛功據毛本及通志改

卷四十三

山濤傳又以母老并贈藜杖一枚刊本并訛拜據明監
本毛本及通志改

王戎傳三考黜陟幽明刊本考訛載今改 又顧謂後
車客曰刊本謂訛為據通志改

王澄傳詔復澄本官刊本本訛將據通志改

卷四十四

鄭默傳不加聲色而猶有嫌怨刊本脫有字據毛本及
通志增

盧志傳密謀遷都長安刊本謀訛欲據通志改

華廩傳廩固辭忤旨刊本固訛因據毛本改

卷四十五

劉毅傳漢城陽景王章之後刊本城陽二字互倒據明
監本毛本及後考證改 又白者大晉之行刊本白
訛意據通志改 又猶愈侵枉之害刊本侵訛清據
明監本改

崔洪傳叢生棘荆來自博陵刊本荆訛刺據通志改
郭奕傳少還復往案還毛本及通志並作選

卷四十六

劉頌傳夫武王聖主也成王賢嗣也刊本嗣訛王據毛
本改

李重傳此三代所以直道而行也刊本此訛在據毛本
及通志改 又非必曲尋事情而理無所遺也刊本
遺訛道據明監本改 又馭廷尉奏邯鄲辭刊本辭
訛醉據字書所引本書改 又又以博士徵南安朱
冲刊本南安二字互倒據本書朱冲傳及通志改

卷四十七

傅咸傳令觸猛獸之鬚非欲為惡必將以此見怒刊本

恕訛恕據明監本改 又中郎李重李毅刊本毅訛
義案李重傳云重與李毅同為吏部郎今據改 又
尚書在行馬之內而不得糾刊本得訛以據毛本改

卷四十八

閻纘傳昔漢武既信奸譏刊本奸訛好據毛本及通志
改 又故曾子曰刊本曾訛孔今改

卷四十九

嵇康傳故能越名教而任自然刊本而下衍自字據毛
本及通志刪 又吾每讀尚子平墓孝威傳刊本威

訛感據後漢書改 又恃愛肆姐刊本姐訛好據本
書因義及文選改 又志在守樸刊本守訛宗據文
選及通志改

卷五十

庾敳傳兀與自然并體芳刊本兀訛元據明監本改
庾勇傳不宜大啓土宇表建東海也刊本建訛見據毛
本及通志改 又乃獨為駁議刊本駁訛駿據明監
本改

秦秀傳不如太宰不得以為比刊本脫上不字據本書

賈充傳增

卷五十一

摯虞傳虞字仲治刊本治訛洽據通志改 又天之所
祐者順也刊本順訛義據周易及通志改

王接傳斯玉鉉之妙味經世之徽猷也刊本鉉訛鏡據
明監本改

卷五十四

陸機傳招攬遺老刊本攬訛覽 又奇偉則虞翻陸續
張溫張惇刊本脫張溫二字並據文選改增 又見

百姓之謀已則申宮警守刊本警訛禦據毛本及通志改 又鉦聲震於閭宇刊本鉦訛征據文選改

卷五十四

夏侯湛傳于何有寶咳唾之音刊本咳訛叶據明監本及毛本改

潘岳傳塵驚連天刊本驚訛霧案李善文選註云驚或為霧者非今據改 又坻場染履刊本坻訛游據方言及文選改 又雖吾之顏云厚刊本吾訛無據明監本及毛本改 又谿子巨黍異黍同機刊本機訛

歸據文選改

潘尼傳將歿攜家屬東出成臯刊本成訛城據本書地理志改

張載傳勒銘山阿敢告梁益刊本阿訛河據文選及通志改

張協傳百賴羣鳴籠其山刊本籠訛寵又鑽屈轅之

欽刊本較訛穀並據文選改又遡惠風於蘅薄刊

本遡訛想據毛本及文選改又債馮承刊本債訛

攢又虬踊螭騰刊本踊訛蛹又時文載郁刊本

文訛人並據文選改

卷五十六

孫楚傳簡習水戰案本集此下有伐樹北山則太行水
盡濬決河洛則百川通流四句 又元康三年卒刊
本元訛太案孫楚於惠帝時為馮翊太守不得卒於
武帝太康年間今據通志改

卷五十七

張光傳南平太守應詹刊本平訛陽據明監本及應詹
傳改

卷五十八

周玘傳自號平西大將軍刊本平西二字互倒據明監本毛本及通志改

周訪傳陵江將軍黃峻等刊本陵江二字互倒據明監本毛本及通志改 又并獲第五猗胡混摯瞻等刊本瞻訛曠據毛本及前文改 又今骨肉尚欲相危況他人乎刊本危訛連據明監本毛本及通志改

卷五十九

趙王倫傳同出兵擊其別率孫髦司馬譚孫輔皆破之

刊本髦訛麾據明監本毛本通志及後文改

齊王罔傳暴罔尸於西明亭刊本明作門據毛本及通志改

成都王穎傳黃門郎程牧為左司馬刊本沿明監本誤牧作牧據毛本及通志改

卷六十

張輔傳班固序二百年事乃八十萬言刊本二訛三據毛本改

李含傳隴西狄道人也刊本狄訛逖據本書地理志改

卷六十一

荀晞傳河內山陽人也刊本內訛南據明監本毛本及
通志改 又從高密王泰刊本從訛後據通志改
又天步艱險刊本險訛難案南字與下句複據明監
本毛本改 又憂歎累息刊本歎訛思據明監本毛
本改

傳贊威名克舉刊本威訛成今改

卷六十二

劉琨傳咸有敦詩說禮之德刊本說訛閱據左傳改

又幄中有懸壁案文選幄作握 又遑萌頓仆苟懷
宴安刊本仆訛朴據明監本改

祖逖傳屯於淮陰起冶鑄兵器刊本淮訛江據通志改
卷六十三

魏該傳又與河南尹任愔相連結刊本南訛北據通志
改

卷六十五

王導傳及帝登尊號百官陪列刊本南訛姓據明監本
及毛本改 又時帑藏空竭庫中惟有練數千端案

毛本及通志練俱作練下倣此

王洽傳且欲時時相見共講文章刊本共訛其據明監本及毛本改

王珉傳即于別室與沙門法綱等數人自講刊本沙訛法據毛本及通志改

卷六十六

陶侃傳奈何與小人共載刊本共訛其今改 又都尉夏施盜官柳植之於己門案施毛本作拖

陶瞻傳悉取國中器仗財物刊本仗訛使據明監本毛

本改

卷六十七

溫嶠傳時亮雖奔敗嶠每推崇之分兵給亮刊本給訛
結據明監本改 又惟須仁公所統至便齊進耳刊
本便訛使據毛本及通志改

郗超傳及超使見愔慢怠展而候之刊本屐訛展據通
志改 又費百金而不吝刊本吝訛足據明監本及
毛本改

郗恢傳入漢川襲梁州刊本川訛州據明監本改

史臣論信誓明于日月刊本明訛盟 又皇輿旋軫刊

本旋訛從並據明監本及毛本改

卷六十八

紀瞻傳其六則以明堂為主案明堂上青陽明堂總章
元堂太廟五名故蔡邕月令論云雖有五名而主以
明堂也此用邕說而訛五為六且有脫文 又除族
誅之律刊本族訛挾據毛本改 又愚謂未當夫兩
儀之位刊本位訛謂據陳仁錫本改

賀循傳歷試二城刊本城訛州案上文云賀循為陽羨

武庫二縣令不云為州刺史今據陳本毛本改又
慷慨發憤志在竭節耳刊本志訛忘據毛本改又
此賢履信思順苟以讓為高者也刊本苟訛非據陳
本毛本改

卷六十九

劉隗傳廬江太守梁龕明日當除婦服今日請客奏伎
刊本婦訛父據通志及日知錄所引本書改

刁協傳雖先有邪佞之罪而臨難之日黨于其君者不
絕之也刊本佞訛侮據毛本改

卷七十

應詹傳諸葛仁林刊本仁訛成據各本改

卞敦傳父俊清真有檢識刊本俊訛浚據各本改

劉超傳凡陋小官橫竊賞賜刊本賜訛物據毛本改

鍾雅傳及峻逼遷車駕幸石頭雅超流涕步從刊本雅

訛維據上文及毛本改

卷七十二

郭璞傳焦先混沌而槁杭刊本先訛光各本俱同考焦

先三國時人見魏志管寧傳注所引魏畧今據改

葛洪傳飾嫫母之篤

求媒陽之美談案抱樸子序陽

作媼此陽字誤 又不但大而笑之案抱樸子序無
而字此衍

卷七十三

庾亮傳因表為中領軍刊本因訛因據毛本改

庾翼傳故不令物情難之刊本沿監本誤不作小據毛
本改

卷七十四

桓胤傳永嘉太守駱球等謀反刊本球訛驟據通志改

桓謙傳興問謙刊本問訛請據監本毛本改

卷七十五

王坦之傳恭順無為則盛德日新刊本新訛親據毛本
改

荀崧傳初敷待崧甚厚刊本待訛侍據毛本改

范甯傳子泰時為天門太守刊本守訛宰據毛本改

卷七十六

王允之傳領司鹽都尉刊本鹽訛監據鍾本毛本及通

志改

王廙傳痛謝鯤未絕于口世將復至於此刊本鯤訛現
據本書謝鯤傳改 又鯤遠有識致刊本遠訛遠據
毛本及通志改

王彪之傳凡餘諸官無綜事實者可令大官隨才位所
帖而領之刊本位訛任據毛本改

虞潭傳王敦版潭為湘東太守刊本版訛叛據通志改
又修滬瀆壘以防海沙刊本沙訛抄據毛本改

卷七十七

蔡謨傳方之於前倍半之境也刊本境訛絕據通志改

又少子系有才學案毛本此下有文義二字

殷浩傳于是與溫頗相疑貳刊本于訛為據毛本改

又上追唐堯方命之刑下鑒春秋無君之典刊本方
訛仿據尚書改

卷八十

王羲之傳贊鳳翥龍蟠勢如斜而反正案正別作作直

卷八十一

王遜傳遜未到州遙舉董聯為秀才刊本到訛刺據各

本改

劉肩傳瑯琊王以聖德欽明創基江左刊本左訛右據
毛本及通志改

朱伺傳太守楊珉每請督將議拒賊之計刊本之訛言
據各本改

毛寶傳乃設變力戰悉獲取其米刊本米訛仁據毛本
及通志改

毛璩傳璩字叔連案通志連作璩

卷八十二

陳壽傳益都耆舊傳十篇案都通志作部

王隱傳君少長五都宦遊四方刊本五訛王據毛本及
祖納傳改

孫盛傳以家貧頗營資貨部從事至郡察知之服其高
名而不劾之刊本名訛明據各本改

習鑿齒傳倪首重足刊本首訛眉據毛本改

史臣論令升安國有良史之才而所著之書惜非正曲
刊本書訛事據明監本及毛本改

卷八十三

江道傳山陵將用寶器刊本陵訛林據各本改

車盾傳今主上當陽升成王之地案升毛本及通志作
非

卷八十四

劉牢之傳成阻澗列陣刊本成訛咸 又近日反司馬
郎君刊本脫反字 又而敬宣先還京口拔其家刊
本拔訛援並據毛本及通志改

卷八十五

劉毅傳詔以毅為都督豫州揚州之會南歷陽廬江安
豐堂邑五郡諸軍事刊本脫堂邑二字據本書地理

志及通志增

諸葛長民傳琅瑯陽都人也刊本都訛郡據本書地理志改

檀憑之傳可封曲阿縣公刊本阿訛縣據本書地理志及通志改

卷八十六

張實傳固辭驍騎將軍請還涼州刊本還訛遷據通志及崔鴻十六國春秋改 又善惡專歸于上雖賞千金終無言也刊本善訛若據毛本改 又沙等不之

知刊本之知二字互倒據通志及毛本改

張駿傳右長司馬謨等刊本謨訛模據明監本毛本及
通志十六國春秋改 又遠近嘉謨號曰積賢君案
十六國春秋作遠近嘉謨多所延納號稱賢君 又
東界八郡置河州刊本八訛六案十六國春秋云分
金城興晉武始南安永晉大夏武城漢中八郡為河
州今據改 又東西遼曠聲援不接刊本接訛捷據
明監本毛本及十六國春秋改

張重華傳秋遣晏以書誘宛成都尉宋矩刊本矩訛距

據本書宋矩傳及通志十六國春秋改下同 又進
封福祿縣侯刊本侯訛伯案上文稱謝艾封福祿伯
此進封當為侯檢十六國春秋作侯今據改 又軍
次神烏刊本烏訛鳥 又且吾又聞之刊本且訛曰
並據十六國春秋改

張天錫傳肅景有勲天錫深德之賜姓張氏又改其子
以為己子刊本上子字訛作字據毛本及十六國春
秋改 又天錫諸子皆以大為字故景子曰大奕肅
子曰大誠刊本脫子字據十六國春秋增 又此孫

仲謀屈伸之畧也刊本伸訛身據毛本及通志十六國春秋改

史臣論侯覲覘衆知霸者之斯在刊本知訛如據毛本改

卷八十七

源武昭王傳廣曾孫仲翔後漢初為將軍刊本脫後字
孫訛祖據十六國春秋增改又移檄元盛使迎已
刊本脫檄字據十六國春秋增又業將且渠男成
又惡嗣刊本脫成字據通志及十六國春秋增又

宋繇張謖為從事中郎刊本謖訛稷據明監本毛本
及通志十六國春秋下並改 又志匡時難克隆先
勲刊本克訛尅今改

涼後主傳左將軍眺刊本眺訛姚據通志十六國春秋
改

卷八十八

李密傳况臣跋涉苦厄羸之極案文選厄羸之極作尤為
特甚

庾哀傳灑掃庭內婦之道也故賜汝以此刊本脫以字

據通志增

劉殷傳殷為人子孫而所思無獲刊本脫孫字據通志
增 又良以色養無主故耳刊本無訛為據通志及
毛本改

傳贊夙標至性刊本夙訛風據明監本毛本及通志改
卷八十九

嵇紹傳康誥有言父子罪不相及案康誥無此語此係
大禹謨罰弗及嗣句孔傳文本書作康誥誤 又會
帝還洛陽刊本還訛遷據毛本改

劉敏元傳同縣營平年七十餘案營毛本作管

卷九十一

韋諛傳深思聖王苞桑之誠也刊本誠訛誠今改

卷九十二

應貞傳無義不經無禮不踐案文選作無理不經無義
不踐 又六府孔修九有斯靖刊本斯靖作來踐與
上無理不踐句韻複據文選改 又弓矢斯御刊本
御作具據文選改

成公綏傳咧繚眇而清昶案文選作咧飄眇而清昶

入乃吟咏而發散聲駱驛而響連刊本散作嘆駱驛
作驛驛據文選改

左思傳亦猶胡廣之于官箴蔡邕之於典引也刊本邕
訛雍今改 又並以經學洽博刊本洽訛治據毛本
及通志改

趙至傳登高遠眺則山川幽隔刊本幽訛備據文選改
又徙倚交錯案徙倚文選作崎嶇

鄒湛傳初湛嘗見一人案通志見上有夢字

李充傳資生既廣羣塗思通刊本塗訛盜據毛本改

又仕至侍中刊本中訛即據明監本改

袁宏傳御員者不以信誠率衆刊本誠訛哉據毛本及
文選改 又知能拯物愚足全生刊本拯訛極今改
又處死非難理存則易刊本存訛有據文選改

又端委虎門正言彌啟刊本虎沿唐諱作獸據文選
改按文選李善注引左氏傳曰晏平仲端委立於虎
門之外劉良注云虎門軍門也舊考證謂虎門文選
作師門誤矣 又標榜風流遠期管樂刊本榜訛榜
期訛明據明監本及文選改 又嘗與王珣伏滔同

在溫坐刊本珣訛恂據本書王珣傳及通志改

羅含傳伐木為牀織葦為席刊本牀訛材 又有一白

崔棲集堂序刊本白訛百並據通志改

顧愷之傳使如輕雲之蔽月刊本月訛日據毛本及通

志改 又玄乃發其厨後竊取畫而緘閉如舊刊本

閉訛門據通志改

卷九十三

楊文宗傳武元皇后父也刊本武元二字互倒據本書

后妃傳改

褚爽傳爽子秀之淡之裕之刊本淡訛炎裕訛喻據通
志及宋書南史改

卷九十四

孫登傳嘗住宜陽山刊本住訛往據毛本及通志改

董京傳得殘碎繒絮結以自覆刊本繒訛繪據明監本
毛本及通志改

張忠傳其居依崇巖鑿地為屈室刊本地訛池據通志
及十六國春秋改

龔玄之傳弟子元嘉亦有德操案嘉毛本作壽

陶潛傳及遣其故人龐通之等齎酒刊本龐訛寵據通志及宋書南史改

卷九十五

戴洋傳嘗有人乘馬東行過老君祠而不下馬刊本脫祠字據通志增又天示有信災發東房刊本發訛廢據明監本及通志改

韓友傳此間血覆地寧可復住刊本住訛往今改

隗炤傳却後五年春有詔使來頓此亭刊本脫使字據通志增

佛圖澄傳戊申歲禍亂漸萌刊本申訛寅據毛本及通
志十六國春秋改

孟欽傳或前有谿澗不得過刊本脫有字據通志及十
六國春秋增

鳩摩羅什傳及陰陽星算莫不畢盡刊本畢訛必今改
卷九十七

吐谷渾傳乖別甚易當去汝于萬里之外矣刊本易訛
異據通志改

匈奴傳居于太原故茲氏縣刊本茲訛泣據毛本及通

志改 又車廬什物不可勝紀刊本廬訛騾據毛本改

卷九十八

王敦傳以義陽太守任愔督河北諸軍事刊本沔訛河又多樹私黨莫非同惡刊本非訛能並據通志改

又當與宿衛同列三番刊本列訛例據毛本改

又自言知擊鼓因振袖揚袍刊本袍訛袍據通志改

桓溫傳使會稽王昱會溫於涂中刊本涂訛徐據通鑑

及通志改

卷九十九

桓玄傳詔以玄都督荆司雍秦梁益寧七州刊本司詔
襄據通鑑及通志改 又衡陽有雌雞化為雄八十
日而冠綏具刊本綏訛姜據通志改 又廣武將軍
唐與斬振及偽輔國將軍桓珍毅於臨漳刊本漳訛
章據地理志及毛本改

卷一百

張昌傳昌遣其將軍黃林為大都督率二萬人向豫州
刊本率訛卒據毛本改

陳敏傳以郡廉吏補尚書倉部令史刊本郎詎部據通志改

祖約傳其將牽騰率衆出降刊本騰詎滕據通鑑通志改

譙縱傳璩聞縱反自畧城步還成都刊本畧詎洛據本書毛璩傳及通鑑改

卷一百一

劉元海載記左部居太原茲氏刊本茲詎泣據文獻通考改 又上可成漢高之業下不失為魏武刊本武

訛氏據十六國春秋改 又氐酋大單于徵案通鑑
氏酋大單于徵胡三省注曰當時酋長皆謂之大單于
此衍于字

卷一百二

劉聰載記王彌為大將軍封齊公尋而石勒等殺彌于
己吾刊本吾訛營據通鑑通志改 又推尺為平西
將軍刊本西訛南據通鑑通志十六國春秋改 又
進封晉王食五郡刊本郡訛都據通志十六國春秋
改

卷一百三

劉曜載記曜遣其車騎劉雅刊本遣訛遷據毛本及通志改

卷一百四

石勒載記上濮陽太守苟晞刊本濮訛漢據通志及十六國春秋改 又王浚使其將祁弘帥鮮卑段務塵等十餘萬騎討勒刊本段訛沒據通志改又案通鑑及十六國春秋段務下有勿字 又勒出成臯關刊本出訛至據通鑑通志及十六國春秋改 又詭請

王彌燕于已吾刊本吾訛營據通鑑通志改 又焚
燒浚宮殿刊本浚訛晉據毛本及通志改 又穀二
升直銀一斤刊本一訛二據通志及十六國春秋改
又揚聲將歸河北平等以為信然刊本脫平字據
通鑑通志及十六國春秋增 又贈平南將軍刊本
平南二字互倒據通志及十六國春秋改 又劉曜
自長安屯于蒲坂刊本坂訛陂據明監本改 又明
出戰勒擊敗之刊本敗訛攻據明監本及毛本改

卷一百五

石勒載記下石堪石聰等各以精騎八千自城西而北
刊本脫自字 又鄉當患輔幼主之日不得獨擅帝
舅之權故耳刊本患訛忠並據毛本及通志十六國
春秋改

卷一百六

石季龍載記上郎闡為光祿大夫刊本闡訛闡據通志
及十六國春秋改 又若伏重軍以要之可以得志
刊本重訛衆據明監本及毛本改 又置高一丈七
尺案置通志作置 又石宣及諸公又私令采發者

亦垂一萬刊本又訛及據明監本及毛本改

卷一百七

石季龍載記下光祿石岳刊本岳訛行據毛本及通志
十六國春秋改

卷一百八

慕容廆載記廆刊政脩明虛懷引納刊本納訛統據毛
本改 又自平郭趣柏林為左翼刊本郭訛國據通
志及十六國春秋改

卷一百九

慕容皝載記司馬佟壽等討之刊本壽訛燾據通鑑通志十六國春秋改 又乃遣其長史劉祥獻捷京師案祥毛本及通鑑綱目作翔 又清洹漑灌有益官私刊本私訛司據通志及十六國春秋改

卷一百十一

慕容暉載記以其左中郎慕容筑為假節征虜將軍刊本左下衍右字據通志十六國春秋刪 又夫建德者必以終善為名佐命者則以功成為效刊本佐訛位據毛本改 又暉鍾律郎郭欽刊本鍾訛鎮據毛

本改 又攻其遼東太守韓稠于平州案州毛本作

川

皇甫真載記領護匈奴中郎將刊本領訛鎮據通志改

卷一百十三

苻堅載記上俄而梁熙王統等自清石津攻其將梁粲

于河會城案清毛本作青下同

卷一百十五

苻丕載記重合侯苻謨為征西將軍刊本脫苻字據毛

本及通志增

卷一百十六

姚弋仲載記仲率部衆數萬遷于清河刊本部訛步據
通志及十六國春秋改

卷一百十七

姚興載記上于是其太尉趙公旻等刊本公旻二字互
倒 又遣其兼大鴻臚梁斐刊本斐訛裴 又幸皇鑒
降眷純風遠被刊本眷訛春並據通志及十六國春
秋改

卷一百十八

姚興載記下以侍御史廉桃生為證刊本桃訛姚據明
監本及毛本改 又乃以嬖人尹冲為給事黃門侍
郎刊本給訛結侍訛任今並改

尹緯載記卿實不及胡為不知也刊本脫知字據通志
及十六國春秋增

卷一百二十

李特載記使物情知所歸則天下可定刊本知訛之據
毛本及通志十六國春秋改 又斬特及李輔李遠
皆焚尸傳首洛陽刊本尸訛尺據毛本改

卷一百二十一

李雄載記特起兵于蜀刊本于訛為據通志及十六國春秋改 又征東任昉刊本昉訛回據本書音義及通志改

卷一百二十二

呂光載記太廟新成刊本成訛城據毛本改

呂隆載記武旋十萬謀臣盈朝刊本脫謀臣二字據毛李及通志十六國春秋增

卷一百二十三

慕容垂載記臣奉詔北巡受制長樂刊本奉訛舉據通
志及十六國春秋改 又聽終三年之禮則四方知
化刊本知訛之據毛本及通志改 又翟遼死子釗
代立攻逼鄴城慕容農擊走之刊本走訛定據通志
及十六國春秋改 又農楷分為二翼刊本為二二
字互倒據毛本及通志十六國春秋改 又垂至上
谷之沮陽刊本沮訛沮據本書地理志改

卷一百二十四

慕容盛載記于是內外帖然刊本帖訛恬 又兼柳自

卑不尊號刊本抑訛輯並據通志改

卷一百二十五

乞伏乾歸載記于是以平北韋乾為長史刊本平北二字互倒據毛本改

乞伏熾磐載記自西平逃而降興刊本西訛南據上乾歸傳改

馮跋載記于是以太元二十年乃僭稱天王于昌黎案通志太元二十年作義熙五年通鑑亦稱義熙五年馮跋即位本卷下文義熙六年跋下書云云即跋即

位之明年此云太元二十年誤

卷一百二十六

禿髮烏孤載記陰訓郭倬西州之德望刊本訓訛順據
毛本及通志十六國春秋改

卷一百二十八

慕容超載記鎮出謂韓諱曰刊本諱訛謨據毛本及通
志改

卷一百二十九

沮渠蒙遜載記改元永安案永安白帖作永和又恪

勤官次所以緝熙庶政刊本政訛正據毛本改

卷一百三十

赫連勃勃載記勃勃字屈子刊本子訛子據魏書及十六國春秋改

音義卷上

帝紀第一丕敷悲反刊本闕敷悲二字據廣韻補

帝紀第三渦口說文渦水受淮揚扶溝浪蕩渠東入淮

刊本受訛出淮下行南字扶訛浮據說文及漢書地

理志刪改又青絲紉文忍反刊本文訛文據類篇

改

帝紀第五喁喁魚口上見刊本魚訛衆據集韻改

志第二壅沮下七余反刊本七余二字互倒今改

志第四令支下巨支反刊本巨訛三據陳仁錫改

志第五凜匹備反刊本匹訛片今改 又含涯刊本含

訛舍據本書地理志改

志第六諛彼義反刊本彼訛徐據廣韻改

志第十五相繆武彪反刊本武訛或今改

志第十六催刊本催訛僮據本書食貨志改

志第十七掛古買反刊本古買訛掛負今改 又寢作任
反刊本任訛在今改

志第十八鷄刊本鷄訛鷄據明監本音義改

志第二十朴普木反刊本普訛昔今改 又古鑽下子

亂反所以穿也刊本子訛字所以訛片反據說文改

音義卷中

列傳第六頰仰說文頰仰字如此斐古反又俗作俛刊
本訛作頰仰斐古反又仰字如此俗作俛今據說文
改

列傳第九桓古恒反刊本恒訛亘今改

列傳第十蓼莪上音力竹反刊本竹訛救今改

列傳第十一憮音武刊本武訛至 又藥廩下乙減反
刊本乙減訛乞咸今並改

列傳第二十跽齧案跽躅也刊本躅訛躅據顏師古注
改

列傳第二十五磬磻下苦蓋反刊本脫蓋字據廣韻增
列傳第三十一憚於粉反刊本粉訛粹 又碌盧谷反
刊本盧谷訛初危今並改

列傳第三十六圻渠希反刊本希訛布今改
列傳第三十七桁胡郎反刊本郎訛朗今改

音義卷下

列傳第四十四孱士限反刊本土訛古今改

列傳第四十五瘞於例反刊本例訛列今改

列傳第五十七恰苦洽反刊本洽訛治據廣韻改

列傳第六十二泓噌刊本噌訛噲今改

列傳第六十八齏刊本齏訛齏今改

列傳第六十九嫺媼下烏浩反刊本脫反字今增

列傳第七十沮劭下子六反刊本子訛丁今改



